

5792

醫法青篇

醫法青篇

卷之三

燕山琢之陳

璞

同著

健菴弟

玠

武林門人徐紹熙

較正

痰

痰

飲

肝風肝火

木乘土肝犯胃

肝疾脇痛

頭痛

頭風

眩暈

便血

癩狂癩症

內經瘡瘍

淋濁

癰閉

肺痺

胸痞

脫肛

黃疸

疝症

便秘

腸痺

胸痺

痰

痰之為症。情狀變幻不一。古人不究其本。每以消痰之方論之。後人遵其法而治之。有不驗者。稱為怪病。不知痰乃病之標。非病之本也。善治者。究其生痰之源。則不治痰而自無矣。細加詳考。痰乃飲食所化。有因外感六氣之邪。則脾肺升降之機失度。致飲食輸化不清。而生痰者。有因鬱火。則氣不舒。而蒸變者。有因多食甘膩肥腥茶酒。而生痰者。有因本質脾虛。溫

濁凝滯而生痰者。又有腎水虛而泛痰者。此亦因土不制水。則腎中濁陰上逆。非腎中真有痰水上泛也。更有陰虛勞症。龍火上炎。燥肺以致痰咳者。此痰乃津液所化。必不濃厚。若欲消之。不惟無益。而反傷津液。愈治愈甚。其餘一切痰症。初起皆濁濕而生。雖有風火燥痰之名。亦皆因氣而化。非風火燥自能生痰也。其主治之法。惟痰與氣。一時壅閉。咽喉者。不得不。用豁痰降氣之劑。以開之餘。皆當治其本。故古人有

見痰體而治痰之論。此誠千古之明訓。蓋痰本飲食。濕濁所化。人豈能禁絕飲食。而欲消之。至於外邪者。邪散則痰清。如寒則溫之。熱痰則清之。濕痰則燥之。燥痰則潤之。風痰則散之。是也。若不相宜。必旋消旋生。有至死而痰仍未能清者。乃不知治本之故也。觀葉案治法。有因鬱因火者。必要開鬱清火為君。以消痰佐之。有因溫因熱者。則用燥濕清熱。佐以化痰之品。若因肝腎虛而生痰者。則純乎鎮攝固補。此真知

治痰之本者。若因寒因濕者。更當於痰飲門。兼參而治之可也。

宿哮久矣。不發。心悸震動。似乎惛懷之象。心煩脫悶此屬痰

火。宜通鬱遏。

半夏 川連 石菖蒲 蛤粉 枳實 茯苓

鬱金 橘紅 竹瀝薑汁法丸

痰火鬱遏。氣滯。吸烟上熱。助壅。是氣滯熱鬱。因痰當清熱理氣。

川連 白朮 枳實 厚朴 半夏

茯苓 薑湯為丸

痰火風虛眩暈防仆跌

天麻 半夏 橘紅 茯苓 羚羊

鉤藤 竹瀝

老年痰火咳逆痰有穢氣

蘆根 苡仁 桃仁 絲瓜子 葶藶 大棗

下虛不納濁泛嘔逆痰穢氣

熟地炭 胡桃 炒杞子 炒牛膝 川 斛 茯苓神

痰火上逆蒙竅耳鳴頭暈



半夏 橘紅 茯苓 甘草 天麻 鉤藤

甘菊 羚羊 瓜蒌皮

脉弦長五火燔燎而肝陽胃陽為痰動怒抽掣此為肝病宜靜養勿忍薄味清裏藥乃近理

羚羊角 犀角 川連 鬱金 山梔 北秦皮

牛黃 胆星 橘紅 生石羔 金薄 水法九竹葉燈心湯下

右關脉弦滑痰多舌干微強語言似寒蓋因痰火上蒙津液不得上承高年頗慮風痲宜上宣通勿進剛

燥膩滯之藥

半夏 金石斛 橘紅 黑梔 茯苓 鬱金

生草 石菖蒲 竹瀝 薑汁

昏昏如寐 神情如迷 痰熱內閉 宜清痰利竅

半夏 石菖蒲 桔梗 枳實 鬱金 橘紅

竹瀝 薑汁

鬱痰肝木內風

半夏 鬱金 石菖蒲 明天麻 白茯苓 橘紅

茯苓 鉤藤

濕熱聚痰。脈沉弦目黃肢末易有瘡疾皆濕熱痰盛  
氣隧不得流暢法當苦辛清裏通機痰因火起清熱  
為最

生茅朮 黃栢 瓜蒌皮 山梔 萊菔子 川連

半夏 厚朴 橘紅 竹瀝薑汁法丸

病後厚味蒸痰

風化硝 瓜蒌仁霜 枳實 生茯苓 山梔 鬱金 薑炒竹瀝

脉脹濕阻熱痰

半夏

茯苓

黑梔

橘紅

製蒺藜

遠志  
降香

木火犯中胃虛生痰陽動內風肝胆風火貫隔痰多  
經脉不利宜清少陽鬱熱使中宮自安

半夏

陳皮

茯苓

金斛

桑葉

丹皮

左脉浮弦數痰多腕中不爽煩則火升眩暈靜生神  
安宜少陽陽明同治

羚羊

連翹

廣皮

炒夏麩

黑梔

香豉

痰火上盛胃氣少攝朝用通下暮服清肅上焦

羚羊 半夏 茯苓 橘紅 黑梔皮 鬱金

苦丁茶 水丸晚服

熟地 淡萹蓉 杞子 五味 牛膝 茯苓

龜膠 蜜丸早服

色鮮明屬上有痰飲蓋上實則下虛脉小不靜弦滑  
當清肺胃之熱痰益腎肝之精血

燕窩膠 蛤梨膏 人參 黃芪 麥冬 山藥

真乃治痰之本方為有益  
腎虛痰多食少體中微倦由乎藏聚未固當攝腎固

茯苓

於朮

黃芩

鹿尾膠

羊內腎

蓯蓉

故紙

青鹽

熟地

茯苓

補骨脂

胡桃肉

杞子

五味

牛膝

遠志

車前

煉蜜為丸

秋風

春

冬

夏

平

韻

部

法

例

圖

集

卷

第

一

第

一

第

真

口

韻

部

法

例

圖

清

靈

韻

部

法

例

圖

當

清

韻

部

法

例

圖

真

口

韻

部

法

例

圖

痰飲  
內經止有積飲之說並無痰飲之名仲景始分痰飲  
因有痰飲而又分懸飲溢飲支飲之義則立大小青  
龍半夏芩桂朮甘腎氣等湯以及內飲外飲諸法可  
謂闡發前賢獨起千古與後人所立風痰濕痰熱痰  
酒痰食痰之法迥異總之痰之作必由元氣虧乏  
及陰盛陽衰而起以致津液凝滯不能輸布留於胸  
中水之清者悉變濁水積陰則為飲飲凝陽則為痰



若果真元充足胃強脾健則飲食不共其度運行不  
停其機何痰飲之有故仲景云痰飲者當與溫藥和  
之乃後人不知痰飲之義妄用滾痰丸茯苓丸消痰  
破氣或填臍補等法大傷脾胃堆砌助濁其於仲景  
治痰之法大相乖謬然痰與飲雖為同類而實有陰  
陽之別陽盛陰虛則水氣凝而為痰陰盛陽虛則水  
氣溢而為飲故王晉三依仲景之小半夏茯苓及外  
臺飲三湯從脾胃二經分痰飲立法今葉氏又取仲

景之苓桂朮甘。外臺茯苓飲。腎氣丸。真武湯。分內飲外飲治法。而於痰飲之症。無遺蘊矣。

高年衛陽式微。寒邪外侵。引動飲邪。上逆嘔咳。嗽形寒。仲景云。飲積不治。咳當以溫藥通和之。

杏仁 桂枝 淡薑 茯苓 苡仁 炙草

向有耳聾鳴响。是水虧木火蒙竅。咳聲有痰。脇痛臥着氣衝。乃衝陽升而為痰飲。宜開太陽。以肅上。

茯苓 桂枝 干薑 五味 白芍

炙草  
當午時服

痰飲

二

背寒咳逆此屬飲象先當辛通飲邪以降肺氣

鮮枇杷葉 杏仁 茯苓 橘紅 生薑 半夏

酒客谷少中虛痰飲時發胸中痞塞自迷或飢過冷  
即病是為陽氣受病不必見痰搜逐但護中焦脾胃  
使陽氣健運不息陰濁痰涎自消

生於朮 桂枝 淡薑 苡仁 澤瀉 薑棗湯丸

舌白咳逆不渴非飲象而何宜溫藥和之

杏仁 苡仁 半夏 干薑 桂枝 茯苓

厚朴 炙草

形體似壯陽氣外泄畏風怯冷脾陽消泛水谷蒸變  
痰飲遵仲景法溫藥和之

人參 淡附子 生於朮 枳實 茯苓 澤瀉

荆瀝薑汁法丸

陽虛則形寒汗出痰飲痞聚是陰濁成形乘陽氣衰  
微上干竅踞必通其陽以掃陰氣

人參 熟附子 淡薑 炒川椒 桂枝 生白芍

烏梅

痰飲

三

又方 真武丸三兩 茯苓 白芍 白朮 附子 生薑

右脈沉靜左脈微弦清陽日薄脾臟鼓運漸遲而為  
痰飲依仲景外台飲以治脾陽非龍相之動搏而難  
旋轉運脾宜合還少七寶參用之法。

熟地 茯苓 枸杞 五味 萸肉 山藥

茯神 菟絲 覆盆 萹蒲 遠志 魚膠

龍骨 青鹽 熟蜜同東南搗丸早服五錢

茅朮 於朮 半夏 茯苓 廣皮 生益智

白茯苓

鈎藤

薑枣湯泛丸晚服三錢開水下

臟肉豐溢脉来沉緩季脇痛飲下咽汨汨有聲吐痰  
頭痛皆脾胃陽微寒濕滯聚宜温中佐以條達運通

蒼朮

厚朴

半夏

茯苓

陳皮

淡薑

胡蘆巴

炙草

薑汁泛丸

腸紅酒病氣衝喘嗽腕脇痞阻飲邪濁上宜仲景温

通法

桂枝

茯苓

干薑

五味子

杏仁

白芍

痰飲

艾草 生左牡蠣

肺胃濕痰咳緩腕中不爽肌腠瘙痒皆濕邪未盡痰飲窈踞當用六安法

杏仁 白芥子 炒半夏 茯苓 淡薑 橘紅

中焦痰熱面色鮮明腕中漾漾欲嘔因鬱勃熱氣蒸為痰飲宜清中焦熱痰

杏仁 枳實 橘紅 瓜蒌皮 鬱金 半夏麩  
桔梗 黑梔

痰飲扶氣火上竅踞腕痞不爽宜理氣熱

半夏 茯苓 水萋 黑梔皮 橘紅 鬱金

飲伏經絡背寒氣短背痛暎心貫脇入腰食粥噫氣  
腕痞瀉出黃沫飲邪伏熱乃陽傷宜溫經通絡

桂枝 生白朮 炒黑蜀漆 厚朴 茯苓 炮黑川烏

懸飲流入胃中令人酸痛湧噫酸水當辛通其陽以

驅飲

桂枝 半夏 茯苓 炒黑川椒 薑汁 淡附子

痰飲



紅丸 卷之三

凡人心中令人能奮發動氣身者皆謂之

紅丸 此丸乃

補氣之聖藥也凡人身中氣血虧損者服之

能補其不足之氣血使精神煥發

紅丸 此丸乃

補血之聖藥也凡人身中血氣虧損者服之

肝者將軍之官相火內寄得真水以涇濡真炁以伏  
木火遂生生之機本無是症之名也蓋因情志不舒  
則生鬱言語不投則生嗔謀慮過度則自竭從中變  
攻衝激烈升之不熄為風陽抑而不透為鬱氣腕脇  
脹悶眩暈猝厥嘔逆淋閉見紅等病古人雖分肝風  
肝氣肝火之殊其實是一源若過鬱者宜辛宜涼乘  
勢達之為要過升者宜柔宜降緩其旋擾為先自竭

者全屬乎虛。當培其子母之臟。至於犯上海中乘下。患者甚多。因古人未以此為病名。葉氏立法分治。有補前人之未備也。當為後世準繩。

因勞怒觸動情志。至於嘔逆微冷條熱。交丑寅漸作。耳鳴咽痺。食納久留。腕中是少陽木火盛於寅。胆火脈貫耳。犯逆之威。必向陽明而後上。禿諸竅。脈右瀆大胃逆不降。食味不甘。而腕中逆亂。薰蒸日熾。營血內耗。無以養心。寤不肯寐。心搖蕩漾。有難鳴狀。今頭

重腕脾全是上焦為木火升騰宜以苦降其逆辛通其痺用當歸龍會丸

當歸

龍胆草

川棟子

蘆薈

川連

吳萸

大苟

早晨服

又

連翹

黑梔

羚羊角

鮮菊葉

紫苑

鬱金

杏仁

瓜蒌皮

鮮菖蒲根

午後服

腹痛少減嘔逆已止上焦熱下焦冷肝陽尚未和平仍宜當歸龍會法肝胆風火上鬱頭面清空之筋掣

不和治以清散

羚羊角 犀角 山梔 連翹 瓜蒌皮 荷梗

薄荷梗 青菊葉

勞心陽動。木火上蒙。心神常動。陽冒無制。清靈上蒙。頭中欲搯。腕欲撫摩。二便不利。此腑氣之窒。由乎肝胆厥逆。宜從上焦治。

羚羊 連翹 元參 鬱金 桑冬

石菖蒲 竹葉

脈左瀆。右弦。氣火不降。胸脇隱痛。腕不爽。是肝胆有

火最慮失血

川貝

山梔

丹皮

鬱金

鉤藤

瓜蒌皮

茯苓

橘紅

因縈思擾動五志之陽陽化內風變幻不已夫陽莫制水。臟陰少藏。自覺上熱下冷。上實下虛。法當以介潛之酸以收之。厚味以填之。偏寒偏熱。烏能治情志中病。

熟地

萸肉

五味

磁石

茯苓

青鹽

肝風肝火

鱉甲膠 龜版膠 即溶膠為丸

下元水虧風木內震肝腎虛多驚恐非實熱痰火可  
攻劫

生地 阿膠 天冬 杞子 菊花炭 女貞實

陽升血熱脈小數形體日瘦口舌糜碎肩背掣痛肢  
節麻木膚腠搔痒目眩暈耳鳴日久此屬操持積勞  
陽升內風旋動燥筋捐液先宜清血分中熱繼當養  
血熄其內風勿勞可愈

生地 玄參 天冬 丹生 犀角 羚羊

連翹 竹葉心

<sup>丸方</sup>何首烏 生白芍 黑芝麻 冬桑葉 天冬 女貞子

茯神 青鹽

肝胆陽氣挟內風上騰不熄心中熱驚佈多恐進陽  
鎮攝方法

龜甲 龍骨 牡蠣 茯神 遠志 石菖蒲

又神識畧安夜不得寐胸臍間時時閃爍欲動乃內

肝風肝火



風不熄。宜補心法。

生地

丹參

玄參

茯神

杏仁

遠志

菖蒲

天冬

麥冬

桔梗

硃砂

風陽阻竅。虛風麻痺。清竅阻塞。

天麻

鉤藤

白蒺藜

甘菊花

連翹

桑皮

絡熱竅痺。夏季陽氣暴升。煩勞擾動。致內風上阻。清竅口喎舌強。呵欠機竅阻痺不靈。脈數舌胎。忌投溫散。乃司氣所致。非表邪為病也。

犀角 羚羊 鬱金 菖蒲 胆星 鉤藤

連翹 橘紅 竹瀝 薑汁

又 清絡得效火風無擬忌投剛燥

犀角 羚羊 鬱金 菖蒲 連翹 生地

元參 廣皮 竹瀝 薑汁

氣火上鬱。腕中空痛嘔涎。先以開通塵過。

香豉 瓜蒌皮 山梔 鬱金 竹茹 半夏 杏仁

嗔怒宣嚷。怒動阻火。氣逆血痺。咽痛。食物厭惡。耳前

肝風肝火

五

後遶肩閃刺。宜鮮少陽。

夏枯草 丹皮 桑葉 鉤藤 山梔 地骨皮

頭痛燥煩。忽然而至。迅速莫如風火。向有肝病。目疾  
喪明。陰氣久傷。育陰可使風清。大忌發散。蓋陰根久  
傷。煩燥頭痛。當大補滋腎母。以甦肝子。補胃陰以杜  
木火未乘。可望全可。

人參 熟地 天冬 麥冬 龜膠 北五味 茯神

絡熱。鼻左竅有血。左肩脾臂痛。皆君相多動。營熱氣

偏脉得右虛左數先以清肝通絡

丹皮 山梔 羚羊 夏枯草 蚕沙 鉤藤

連翹 青菊葉

肝陰虛內風乃身中陽氣之變動宜甘酸之屬治之

生地 阿膠 牡蠣 艾草 萸肉 炭

挾陽內風上崩目昏耳鳴不寐是肝虛火動宜滋宜清

熟地炭 炙龜甲 萸肉 五味 磁石 茯苓

旱蓮草 女貞子

肝風肝火

操持煩勞。陽氣挾內風。上擾清空。頭眩耳鳴。目珠痛。  
宜辛甘化風。仍是補肝用意。

枸杞子

桂元肉

歸身

炙草

甘菊花

女貞子  
夏枯草

交節病變。總是虛症。目泛舌強。脊背不舒。溲淋便瀉。  
皆腎液營。肝風乃張。當宗河間。飲子。以濁藥輕服。

熟地

茯苓

炒杞子

麥冬

茯苓

川斛

生沙苑

石菖蒲

遠志

飲子煎服。

又緩肝潤血熄風。

製首烏 杞子 歸身 冬桑葉 胡麻 栝子仁

茯神 天冬 黑芝麻 黑豆皮 蜜為丸

高年水虧肝陽升逆無制兩脇熱熱如熱則火升面

赤遇煩勞為甚宜養肝陰和陽為法

九蒸首烏 天冬 黑芝麻 黑豆皮 胡麻 九蒸冬桑葉

北沙參 栝子仁 茯神 女貞子 青菓汁法丸早服

脈數面赤是肝風擾動宜和陽熄風

生地 元參 羚羊角 連翹 菖蒲根

鮮銀花 麥冬

肝風肝火

×

左脇中動跳。猶是肝風未熄。胃津內乏。無以擁護。此清養陽明為要。胃強不受木乘。病當自減。

杏仁 遠志 黃芪 蓮肉 人參 當歸

茯苓 茯神 陳皮 艾草

胃虛。肝風內震。嘔痰咳逆。頭痛眩暈。肢麻汗出。寒熱。

半夏 陳皮 茯苓 甘草 天麻 鉤藤

色蒼形瘦。木火體質。身心過動。皆主火化。夫吐痰衝氣。乃肝胆相火犯胃。納食自少。宜解鬱和中。而調肝。

胃節勞戒怒使內風勿動

杞子

枣仁

炒柏子仁

金石斛

半夏麩

橘紅

茯苓

黃菊花膏丸

木火體質復加鬱勃肝陰愈耗厥陽升騰頭暈目眩

心悸宜養肝熄風泄木安胃

桑葉

鉤藤

遠志

石菖蒲

半夏麩

廣皮

金斛

茯苓

左脈弦氣撐至咽心中情憤不知何由乃耗陰陽元

肝風肝火



宜養肝之體清肝之用

九孔石决明 鈎藤 橘紅 茯神木 鮮地黃 羚羊角

桑葉 黃菊花

晝夜不寐。焦煩。乃肝風內擾。鼻準光亮。飢內浮腫。宜實腸胃。庶幾內風可熄。

生牡蠣 炒生地 生白芍 南粳肉 菊花炭 艾草

木乘土肝犯胃

肝為風木之臟。又為將軍之官。其性急而動。為病居多。婦女尤甚。肝木旺。則乘脾土。致有嘔吐脇痛耳聾寒熱吐酸涎沫腹脹便澹不爽肢冷肌麻胸脇痞悶等症。有陰陽虛實之殊。若肝陰胃陰未虧。肝陽亢逆。而犯胃者。用藥則用剛遠柔。泄肝如吳萸椒桂通胃。則半夏薑汁薑附益智枳朴等劑。以運脾陽。若中虛必用人參大半夏湯。附子粳米進退黃連瀉心等法。

治中溫胆湯是也。若肝陰胃汁已虛。木火熾盛。風陽  
擾胃。用藥忌剛。用柔。則阿膠。生地。白芍。麻仁。木瓜。養  
胃。則人參。麥冬。白朮。粳米等藥。至於平治之法。則剛  
柔寒熱。兼用。如烏梅丸。逍遙散。六君子。異功。成已。則  
必加泄肝之品。用桑葉。丹皮。取桑葉。輕清少陽之氣。  
熱。丹皮。辛苦。瀉肝胆之血熱。用金鈴子散者。金鈴  
苦寒。直泄肝陽。延胡。尚理氣滯。血滯之痛。此治肝木  
乘土之剛。頌也。若不知土敗木賊。肝氣日橫。脾胃日

敗延之不救者多矣故立崑門聊為一助耳

人參大半夏湯運脾陽中虛

人參 半夏 白蜜 附子 粳米

進退黃連瀉心湯運脾陽瀉心

川連 乾薑 人參 桂枝 半夏 木棗

烏梅丸嘔吐寒熱兼進

人參 當歸 烏梅 黃連 黃栢 桂枝

干薑 川椒 附子 細辛

木乘土

逍遙散 瀉肝

歸身 白芍

柴胡

茯苓

白朮

甘草

干薑 薄荷

六君子湯 補脾

人參

白朮

茯苓

陳皮

半夏

甘草

異功散 補脾

人參

白朮

茯苓

陳皮

甘草

戊己湯 補脾

人參 白朮 茯苓 陳皮 白芍 甘草

肝厥犯胃入隔

半夏 薑汁 杏仁 瓜蒌皮 金鈴子 延胡

白蔻 香豉

情懷不適 陽氣鬱勃 化內風 掀旋轉動 心悸流涎 麻木  
志歸左肢 蓋肝因起病之源 胃為傳病之所 飲酒  
中虛便溏 宜和解肝胃

桑葉 丹皮 天麻 金斛 川貝 地骨皮

木乘土

三

情志不遂肝木之氣逆行犯胃嘔吐隔脹宜理氣清  
肝和血

延胡 川棟子 蘓梗 烏藥 香附 紅豆蔻  
胃脘痛高突而堅嘔清涎滴水不能下喉四肢冷肌  
膚麻木鋌背畧緩此屬肝厥犯胃

開吳萸 川棟子 炒延胡 生香附 良薑 山查  
脈左弦少寐氣從左升宜泄肝和胃

生牡蠣 川棟子 橘紅 茯苓 澤瀉 甘草

肝逆犯胃脘痛腹鳴氣撐至咽

川棟子 桂枝 淡薑 川椒 生白芍 吳萸

烏梅 茯苓

目微黃舌黃煩渴脇肋梗實呼吸周身牽掣起於頻  
吐食物痰飲即胸脘痛脹此肝木犯胃諸氣痺阻宜  
通氣分為宜

半夏 廣皮 杏仁 白蔻仁 川棟子 延胡

瓜蒌皮 生薑



木火之形氣阻腕中食少礙痛胃口為逆氣忌用燥  
熱劫津以平肝和胃

降香 鬱金 山梔 橘紅 枇杷葉 蘆子

川貝 薑皮

脈小弦納谷腕中噯噎因悒鬱強飲火犯土胃氣不  
得下行宜苦辛泄降法

黃連 鬱金 淡豉 竹茹 半夏 丹皮

山梔 生薑

嗔怒動肝氣逆惡心胸脇悶動氣下墜欲便是中下  
二焦損傷不復約束宜培土泄木法

烏梅 干薑 川連 川椒 人參 茯苓

川棟子 生白芍

拒按為實目病屬肝痛必多嘔大便秘瀉肝病及胃  
當苦辛泄降少佐酸味

川連 生薑 淡豉 枳實 黃岑 白芍

氣滯脾弱宜逍遙散加鬱金砂仁

木乘土

五

大便未結。腹中猶痛。食入有欲便之意。胃陽未復。肝木因時令尚橫。用泄木安土法。

人參 木瓜 厚朴 茯苓 益智仁 青皮

動怒腕下痛。不欲食。是肝厥犯脾胃。宜泄肝木益脾土。

人參 焦白朮 焦白芍 伽南香 炒焦烏梅 茯苓

又 人參 嫩鈎藤 明天麻 炒烏梅 茯苓 橘紅

胃弱痰多。補虛宜通。肝陽易升。左頰赤。佐泄少陽。

人參 炒半夏 茯苓 鈎藤 霜桑葉 煨薑 南棗

脾竅開舌出涎是少陽胆火剋土以養脾泄胆

人參 於朮 天麻 薑黃 桑葉 丹皮

能食遲舌紋裂左頰內腫不喜飲水太陰脾陽鬱  
法當補土泄木

於朮 茯苓 陳皮 煨益智 柴胡 丹皮

白芍 炙草

脈小弱是陽虛由鬱勃內動少陽木火犯土遂致寢  
食不適法當補上泄木

人參

半夏

廣皮

桑葉

白朮

丹皮

茯苓

甘草

薑朮

肝疾脇痛

肝氣宜順而不宜逆。逆則脇痛。故治脇痛必須平肝。平肝必須補腎。腎水足而肝有養。其氣自平。而脇痛止矣。內經云。肝無補法。補腎即補肝也。肝為血府。又為風臟。左脇陰血。右脇陽氣。故以肝血為左。然血凝必有氣滯。氣滯生痰。而痰氣與血相搏。而為兩脇皆痛。總由肝疾而成。肝風肝火。木乘土。皆另立專門。至於脇痛一症。係由疾聚。致成痞氣。亦當較論分治。庶

於肝疾無遺情矣。靡氣者。有虛實之分。若左關脈弦而芤。左脇下成塊。上至氣衝胃口。下氣衝至丹田。由積怒傷肝。不能藏血。或失血劫血等症。是靡氣之虛也。宜開鬱潤肝養血。兼補腎水。若左關脈弦急如新張弓弦。左脇下痛。或有形跡。是靡氣之實也。多因鬱怒傷肝。肝氣結聚而成。然肝為剛臟。不受直折。宜理氣柔肝之劑。但血凝必有氣滯。氣滯則必生痰。而痰血相搏。兩脇皆痛。宜活血消痰。又有肝經鬱結。脈沉

滯者氣逆乾嘔左脇隱痛此木鬱則有悔土之意宜  
疎肝緩胃之劑治之臨症權變智者自達矣

加減潤肝湯

肝氣血虧失血衄血  
肝經燥氣結成塊

山萸

桃仁

桂心

茯苓

柏子霜

細辛

阿膠

鬱金

製香附

薑引

理氣柔肝湯

扇氣實左脇  
下痛成塊

製香附

陳皮

枳壳

柴胡

白芍

桃仁

川棟子

延胡

歸尾

生牡蠣

桂枝



痰血凝滯兩脇皆痛宜清痰消瘀

瓜蒌仁 半夏 陳皮 茯苓 延胡 桃仁

枳壳 鬱金 歸尾 白芍 秋石 加竹瀝薑汁童便

氣逆乾嘔宜疎肝緩胃

歸身 白芍 柴胡 茯苓 白朮 橘皮

半夏 枳實 干薑 竹茹 川棟子 艾草

左乳傍痛遶腰腹重按得熱少緩此屬陰絡虛寒

當歸 肉桂 小茴 丁香皮 茯苓 淡薑

痛從中起，遶及右脇，得食自緩。每痛必由下午黃昏，是脈絡受傷，宜辛溫通絡。

當歸 茯苓 炮薑 肉桂 艾草 大棗

痛必右脇中有形，攻心嘔吐清涎，周身寒凜，痛止無跡。此乃寒入脈絡，宜辛香溫通。

畢撥 半夏 川棟子 延胡 吳萸 良薑

茯苓 蒲黃

肝着脇中痛，勞怒致傷氣血。

川棟皮 炒延胡 歸鬚 桃仁 生牡蠣 桂枝木  
左脇前後板着。食後痛脹。病在絡。氣血皆窒。當辛香  
緩通。

桃仁 歸鬚 小面 川棟子 半夏 生牡蠣

橘紅 柴降香 白芥子 水泛為丸

痛在脇肋。遊走不一。漸至痰多。手足力少。是經絡受  
傷。宜通少陽陽明之絡。通則不痛矣。

歸鬚 炒桃仁 澤蘭 栝子仁 香附 丹皮

穿山甲 乳香 沒藥 水泛為丸

左脇痞積攻痛

生牡蠣 南山楂 炒延胡 川棟子 炒桃仁 歸鬚

丹皮 桂枝木

左脇宿傷腰背痛

炒桃仁 歸鬚 炒延胡 片薑黃 五加皮 桂枝木

炒小面 橘紅

左脇痛暮夜五心熱嗌肝腎陰虧

人參

生地

天冬

麥冬

栝子霜

生白芍

左脇骨痛。芤飢嘔涎。肝風內震入絡。

生地

阿膠

生白芍

丹皮

栝子仁

澤蘭

桃仁

桑枝

脇下痛。犯中焦。初起上吐下瀉。寒熱不止。病在少陽之絡。

青蒿梗

歸鬚

澤蘭

丹皮

紅花

鬱金

脈右弦左小弱。瀉脇痛。本氣不足。日餌辛燥。氣泄血。

耗傷及肝胃則則夢寐紛紜是肝不藏魂傷及無形

宜用甘藥少佐攝鎮

人參 惠仁 茯神 炙草 栢子仁 金箔

當歸 龍骨 桂元

虛心入前致若係腦項李沈丸若此真頭痛必死不

治東垣云高痛之上恆風藥可到總其太體而言然

風藥或能解血故李士材純用血藥每元其長言天

士又云此藥按連血脈宜通陽氣為主用法奇巧如

本草綱目卷之...

本草綱目卷之...

本草綱目卷之...

本草綱目卷之...

本草綱目卷之...

本草綱目卷之...

本草綱目卷之...

本草綱目卷之...

本草綱目卷之...

頭痛

頭為諸陽之會與厥陰肝脈會於巔頂諸陰寒邪不能上逆惟陽氣窒塞濁陰濁邪得以上據厥陰風火乃能逆上作痛故頭痛一症皆由清陽不升風火乘虛上入所致若係腦頂至泥丸者此真頭痛必死不治東垣云高巔之上惟風藥可到總其大體而言然風藥最能燥血故李士材純用血藥每見其長葉天士又云虫蟻搜逐血絡宣通陽氣為主用法奇巧如



風火變動。與暑氣風邪上鬱。而為頭痛者。用鮮荷葉  
苦丁茶。蔓荊山梔等。辛散清輕為主。如陰虛陽越。而  
為頭痛者。用仲景復脈湯。甘麥大棗法。加膠芍牡蠣  
鎮攝益虛和陽熄風為主。如厥陽風木上觸。魚內風  
而為頭痛者。用首烏栢仁。魯豆甘菊。生芍杞子。熄肝  
風滋腎液為主。葉案於此一症。而條分縷晰。可謂手  
法。兼到也。

脈左弦數。右偏頭痛。左齒痛。

連翹 薄荷 羚羊 夏枯草 黑梔皮 鮮菊葉

苦丁茶 乾荷葉

內風頭痛淚冷。

炒杞子 製首烏 栝子仁 茯神 菊花炭 稽豆皮

風鬱頭痛。

鮮荷葉 苦丁茶 黃岑 黑梔 連翹 蔓荊子

川芎 白芷 白芍 木通

婦人頭痛在左。腦後厥陽。風木上觸。

生地 生白芍 栝子仁 炒杞子 菊花 茯神

當歸 川芎

暑風溫熱混於上竅津液無以運行頭痛舌強宜清散

連翹 石膏 生草 滑石 蔓荊子 羚羊角

荷梗 桑葉

去血過多脉數而動為陰虛陽實頭痛氣浮筋惕

生地 阿膠 牡蠣 人參 白芍 天冬 炙草

婦人臨晚頭痛火升心嘈風陽上冒防厥

生地 阿膠 牡蠣 茯神 麥冬 白芍

當歸 川芎

頭痛滋腦後心下嘔逆厥陰見忘用虫蟻血中搜逐  
以攻通邪結兼養正

當歸 川芎 半夏 薑汁 灸全蝎

蜂房 山甲

太陽痛連顴骨耳後牙跟宜治太陽少陽

連翹 羚羊角 牛蒡 赤芍 川芎

白芷 鮮菊葉

頭額中痛連及眉間是陽明風火宜清陽明少陽

連翹 羚羊 川芎 白芷 葛根 黃芩

菊葉 蔓荊子 鉤藤

心... 五

... 血...

... 人...

... 白...

頭風

頭風一症。有偏正之分。偏者主乎少陽。正者主乎陽明。為多。若少陽風。淫火鬱。前人立法。以柴胡為要藥。其補瀉之間。不離於此。無如陰虛火浮。氣升。吸短者。則厥脫之萌。由是而來。葉氏則另出心裁。以桑葉丹皮。山梔。荷葉。輕清涼泄。少陽鬱遏。邪條然而解。倘久則傷及肝陰。參入鹹涼柔鎮。亦可收效。至於正者。雖主陽明。而病情不一。有氣虛血虛。火亢邪風。陰傷陽。

浮。痰厥腎厥之不同。如肝陰久耗。內風日旋。厥陽無  
 一息之寧。痛掣已極。豈區區之湯散可計。惟與復脈  
 之純甘。壯水阿黃之柔婉。以熄風和陽。俾剛亢之威。  
 一時頓減。用之屢效。豈虛誦哉。並當於頭痛眩暈兼  
 暑熱上蒙。清竅右偏頭痛。鼻竅流涕。咽喉甘腐。肢冷  
 汗出。是外邪頭風。混處精華。氣血蒙閉。宜刺風池。風  
 府。清揚通竅。

西瓜衣

鮮蘆根

苡仁

通草

煎送蠟礞丸  
 黃蠟白礞為丸

右偏頭風痛從牙齦起是少陽風火。

炒生地

蔓荊子

黃菊花

茯苓

炒杞子

冬桑子

阿膠

炒丹皮

川斛

中年陰中陽虛內風偏頭痛冷淚宜用還少丹。

熟地

山藥

山萸

茯苓

牛膝

枸杞

杜仲

遠志

五味

楮實

小茴

巴戟

菴蓉

石菖蒲

胃虛風陽上逆頭痛嘔吐是陽明胃虛肝陽化風恐。



有失明之憂。

炒半夏 茯苓 苦丁茶 菊花炭 炒杞子 栝子霜

頭風目痛昏赤。火風上鬱。非徒清散可愈。從治風先

治血意。

歸身 炒白芍 杞子 沙苑 菊花 鉤藤

*(Faint bleed-through text from the reverse side of the page, including characters like 風, 痛, 目, 昏, 赤, 火, 風, 上, 鬱, 非, 徒, 清, 散, 可, 愈, 從, 治, 風, 先, 治, 血, 意, 歸, 身, 炒, 白, 芍, 杞, 子, 沙, 苑, 菊, 花, 鉤, 藤)*

眩暈

經云。諸眩掉皆屬於肝。頭為諸陽之會。耳目口鼻皆  
清空之竅。所患眩暈者。非外來之邪。肝胆之風。陽上  
冒耳。甚則昏厥跌仆。其症有挾痰挾火。中虛下虛。治  
胆治胃。治肝之分。火盛者。用羚羊山梔連翹茯苓元  
參生地丹皮桑葉以清泄上焦。竅絡之熱。此先胆治  
也。痰多者。必從陽明消痰。如竹瀝薑汁菖蒲。及二陳  
湯類。中虛則兼用人參。外臺茯苓飲是也。下虛者必

從治腎。滋肝育陰。潛陽鎮攝之治是也。至於天麻鉤  
藤菊花之屬。皆係熄風之品。可隨症加入。此症之源  
本乎肝風。當於肝風中風頭風各門合而參之。

痰火脈左浮弦數。痰多腕中不爽。煩則火升眩暈。靜  
坐稍安。宜少陽陽明同治。

羚羊 連翹 香豉 廣皮白 半夏曲 黑梔

痰火風在上。舌乾頭眩。

天麻 鉤藤 菊花 橘紅 半夏曲 茯苓

宜歸山梔 花粉 土水 隨地 專即 到如 煎上 下新

酒客中虛眩暈

半夏 陳皮 茯苓 甘草 白朮 白茯苓

天麻

內風挾痰脉弦暈眩暈痰多胸痺室塞此清陽少旋

內風日拂最慮風痲

明天麻 白茯苓 桂枝木 半夏 橘紅 茯苓

苧仁 炙草

眩暈

二

內風挾痰眩暈。吐出清水。

半夏 茯苓 天麻 廣皮 鉤藤 菊花

肝風內沸劫燥津液頭暈喉舌乾涸

生地 天冬 麥冬 煖肉 阿膠 生白芍

肝風動逆不熄頭暈

製首烏 杞子 黑芝麻 牛膝 菊花炭 桑椹子

胡麻 茯苓 青菓汁法丸

兩寸脉浮大氣上升頭眩甚則嘔吐厥陰上千陽

宜鎮肝陽

製首烏 穉豆皮

炒杞子

栢子仁

紫石英

茯苓

天冬 南粵

操持驚恐。相火肝風上竄。目跳頭暈。陰弱欲遺。左脉

弦勁。右小平。

生地

白芍

丹皮

鈎藤

天麻

白茯苓

黃菊花 橘紅

絡熱眩暈。此內風上冒。上實下虛。先清標養血。

羚羊 玄參 鬱金 石菖蒲 生地 連翹

川貝 花粉

陰虛陽升，暈厥煩勞，即發此虧，不能治木，厥陽化風。

熟地 牡蠣 五味 牛膝 龜版 天冬

茯神 遠志 芡肉 靈磁石

煩勞陽氣大動，變化內風，眩暈能食，病不在中上，以

介類沉潛為宜

淡菜膠 阿膠 萸肉 茯苓 建蓮 龜膠

熟地 川斛 山藥汁丸

營虛內風逆心悸頭暈

炒杞子 栝子仁 胡麻 川斛 生左牡蠣 冬桑葉

下虛頭暈跗腫不能健步以上實下虛宜溫腎涼肝

肉蓯蓉 杞子 熟地 牡蠣 龜膠 連翹

山梔 桑葉 甘菊 石菖蒲



卷之五

川

中

無

不

何

德

德

德

便血

便血一症古有腸風臟毒脉痔之分不外乎風淫腸  
濕熱傷脾胃二義內經謂絡受傷及結陰之肯為精  
切仲景論先便後血先血後便遠近上下虛實之分  
先便後血者為遠血是脾虛而不能攝血宜溫補脾  
陽先血後便者為近血是腸臟濕瘀或下虛八脉交  
損宜理下焦此遠近上下可決其臟腑之性情有失  
統攝血無所歸如漏卮不已耳肺病燥瀆宜清宜降

如桑麻丸。及天冬、地黃、銀花、柿餅之類是也。心病則  
然血沸。宜清。宜化。如葉、葉、地黃湯。及補心丹之類是  
也。脾病必濕滑。宜燥。宜升。如茅朮理中湯。及東垣益  
氣湯之類是也。肝病有風陽。迫痛。宜柔。宜泄。如駐車  
丸。及甘酸和緩之劑是也。腎病見形。消腰折。宜補。宜  
填。如虎潛丸。及理陰煎之類是也。葉案祖古方。而運  
以匠心。為學者之津梁也。

竹葉地黃湯。心熱血沸。

竹葉 生地 丹皮 澤瀉 茯苓 麥冬

虎潛丸 腎虛 腰折

熟地 虎脛骨 龜板 黃柏 知母 瑣陽

當歸 牛膝 白芍 陳皮 羯羊肉膠丸

理陰煎 腎虛

熟地 當歸 干薑 肉桂 艾草

黑地黃丸 腎虛

蒼朮 熟地炭 五味 干薑

更血

天真丸 脾濕腎燥

精羊肉 內從蓉 山藥 當歸 黃芪 天冬

人參 白朮

班龍丸 溫煦奇督

鹿角膠 鹿角霜 熟地 菟絲子 栢子仁

歸芍湯 腸臟濕痞

當歸 炒白芍 焦朮 炒枳壳 地榆

炒槐實 栢葉炭

五仁湯 潤腸液

火麻仁 栲子仁 杏仁 桃仁 郁李仁

駐車丸 肝湯 風痛

黃連 阿膠 當歸 干薑

濕熱 內蒸 腸風 下血 宜酸苦法治

川連 黃芩 烏梅肉 生蒼芍 廣皮 厚朴

荊芥炭 菊花炭

濕遏 脾陽 食入不化 飲酒厚味 即瀉腸血 未已 宜升

人參 茅朮 廣皮 生益智 防風 升麻

艾草

更血

三

鬱怒腸紅即未腹中微痛是木火乘腑宜與和陰

冬桑葉 丹皮

生芍藥

黑梔

廣皮

乾荷葉  
生谷茅

木鬱土中痔疾下血因嗔怒腹滿隨瀉血便後下血  
是風木鬱於土中氣滯為膨氣走為瀉宜理中瀉木

人參

附子

炮薑

茅朮

厚朴

地榆

升麻

柴胡

大腸血熱便血脉數

生地

銀花

黃芩

白芍

槐花

百草霜

柏葉炭 枳壳

內熱勝紅發痔當清陰分之熱

生地 炒丹皮 酒岑 槐花炭 柿餅炭 元參

黑梔 銀花

陽明不固脉濡小食少氣衰便血大便時結時溏宜  
甘酸固瀉合陽明為法

人參 禹餘石 赤石脂 木灰 炒烏梅 炒糯米

脾胃氣滯中滿過放消尅便血食入易滯是胃病血



統於脾。脾健自能統攝。宜疎腑養臟。

九蒸白朮 山楂 茯苓 木瓜 炮薑 炙草

脾胃陽虛。便血如注。面黃脉小。當益胃法。

人參 焦朮 茯苓 炙草 木瓜 炮薑

心脾營損。絡傷下血。是燥持損。營宜歸脾。飴糖丸。

焦朮 人參 黃芪 歸身 炙草 茯神

遠志 酸棗仁 木香 元肉 飴糖為丸

便後下血。是脾不能攝。為遠血也。

焦朮 炒白芍 炮薑 艾草 木瓜 炒荷葉

血去陰傷虛陽上冒脉小左數便實下血乃肝絡熱  
勝血不自寧肝胆火熾風翔上蒙清空鼻塞頭暈倉  
咳不已下虛上實陰傷陽浮宜清上理下

連翹 竹葉心 生地 元參 丹參 丹皮

脾腎虛內經以陰絡傷則血內溢酒氣傷臟血脫肛  
墜便甚治在脾腎

晚服歸脾湯去木香 早服六味去丹瀉加五味 芡實連  
肉阿膠

中年形營氣。痿陰中之陽。不足且便血已多。是下虛。宜溫養固下。

人參 茯苓 歸身 淡從蓉 補骨脂 巴戟

炒遠志

精羊內熬膏為丸。每服五錢。米飲下。

脈左虛瀆。右緩大。尾閭痛連脊骨。便後有血。自覺惶惶。欲暈。魚之納谷最少。是中下交損。八脈全虧。早服青囊班龍丸。峻補玉堂閣。元暮服歸脾膏。涵養營陰。須守經年。形體自固。

青囊班龍丸

鹿茸 鹿角膠 鹿角霜 栝子仁 熟地 淫子

菟絲子 赤茯苓 補骨脂

益陰泄陽。血止腰痠。腕中痺咽燥。喜涼飲。壯熱仍是陰精失溼。用虎潛法。

熟地炭 白芍 當歸 地榆炭 龜膠 虎骨

知母 黃栢 猪脊髓丸

沫血鮮紅凝塊紫黑陰絡傷損治在下焦少腹疝瘕。

肝腎見症

人參 茯神 熟地炭 炒黑杞子 五味 炒地榆

生仲仲

奇督傷脉小瀉血有年陰絡傷婦人不得孕育心中  
痛墜血下不論便前後後間脊椎尻痠楚而經水仍  
至跗膝常冷是督脉陰液損傷宜井固

鹿茸 鹿角霜 枸杞子 歸身 紫石英 沙苑

生杜仲 炒大面 補骨脂 禹餘石 蒸餅漿丸

壯年陽亢精氣化血臟熱血隨便出宜清熱理血

生地 丹皮 車前 澤瀉 枳壳 槐實

知母 黃栢 側栢葉 俱炒焦黑

新書元記

人參、茯苓、白朮、黃芪、熟地、山藥、鹿角、龜板、虎骨、狗寶、熊膽、蛇膽、猴棗、雞內金、狗寶、熊膽、蛇膽、猴棗、雞內金

人參、茯苓、白朮、黃芪、熟地、山藥、鹿角、龜板、虎骨、狗寶、熊膽、蛇膽、猴棗、雞內金、狗寶、熊膽、蛇膽、猴棗、雞內金

人參、茯苓、白朮、黃芪、熟地、山藥、鹿角、龜板、虎骨、狗寶、熊膽、蛇膽、猴棗、雞內金、狗寶、熊膽、蛇膽、猴棗、雞內金

人參、茯苓、白朮、黃芪、熟地、山藥、鹿角、龜板、虎骨、狗寶、熊膽、蛇膽、猴棗、雞內金、狗寶、熊膽、蛇膽、猴棗、雞內金

人參、茯苓、白朮、黃芪、熟地、山藥、鹿角、龜板、虎骨、狗寶、熊膽、蛇膽、猴棗、雞內金、狗寶、熊膽、蛇膽、猴棗、雞內金

人參、茯苓、白朮、黃芪、熟地、山藥、鹿角、龜板、虎骨、狗寶、熊膽、蛇膽、猴棗、雞內金、狗寶、熊膽、蛇膽、猴棗、雞內金

人參、茯苓、白朮、黃芪、熟地、山藥、鹿角、龜板、虎骨、狗寶、熊膽、蛇膽、猴棗、雞內金、狗寶、熊膽、蛇膽、猴棗、雞內金

人參、茯苓、白朮、黃芪、熟地、山藥、鹿角、龜板、虎骨、狗寶、熊膽、蛇膽、猴棗、雞內金、狗寶、熊膽、蛇膽、猴棗、雞內金

人參、茯苓、白朮、黃芪、熟地、山藥、鹿角、龜板、虎骨、狗寶、熊膽、蛇膽、猴棗、雞內金、狗寶、熊膽、蛇膽、猴棗、雞內金

脱肛

脱肛一症其因不一有因久痢久瀉脾腎氣陷而脱者有因中氣虛寒不能收攝而脱者有因酒食溫氣傷脾色慾傷腎而脱者有因腎氣本虛關門不固而脱者有因濕熱下墜而脱者又肛門為大腸之使受寒受熱下能致脱老人氣血已衰小兒氣血未旺皆易脱肛內經曰下者舉之徐之才曰瀋可收脱葉天士治法亦不越乎升舉固攝益氣三法如氣虛下陷



者。宗東垣補中益氣舉陷為主。如腎虛不攝而脫者，宗仲景禹糧石赤石脂丸及熟五味菟絲固攝下焦。陰氣為主。如脾弱氣陷脾胃氣虛下陷而脫者用固陰益氣兼以酸苦泄熱為主。如老陽年氣下陷而脫者有鹿茸陽起石提陽固氣一法。又有肺氣虛而不能收攝肺與大腸為表裏用補中益氣加五味收提。每見其長鑿者當自知之。

濕熱氣虛下陷墜肛而痛澀溺陰囊筋牽肛痛宜從

東垣補中益氣

黃芪

白朮

人參

當歸

陳皮

炙草

升麻 柴胡

氣虛下陷，禱年面色痿黃，腹痛下血，是飲食傷脾，下

陷為脫，久不愈，正氣已虛，宜甘溫益氣，少佐酸苦。

人參

川連

炒歸身

炒白芍

炙草

廣皮

石蓮肉

烏梅

幼稚肚翻純血，不但氣陷，下焦之陰亦不攝固，面色

脫肛

唇爪已無華色宜益氣攝陰

人參 焦木 廣皮 白芍 歸身 炙草

五味 升麻 柴胡

營氣虛不攝便後少腹痛肛墜溺則便滑是腎虛不

撮宜滋陰固攝

熟地炭 五味 萸肉炭 茯苓 炒志遠 炒菟絲

肛墜尻痛利多陰傷

熟地炭 五味 茯神 炒山查 炒山藥 炒兔絲

煎送禹糧赤石丸即二味為丸

老年陽氣下陷腎真不掇肛墜氣血宜補元陽兼升  
舉調補

人參 鹿茸 補骨脂 炒大茴 茯苓 五味

調入陽起石三分



癩狂癇症

癩為陰邪在血分痰在包絡時發時止狂為陽邪在氣分痰入心發而不止癇為風邪在肝發後如平人癩者陰脉宜實狂者陽脉宜洪癇者風脉宜浮若相反為凶症如有下泄則為不治脉微細或沉弦亦為難治

癩病始發志意不樂甚則精神呆癡言語不倫睡如平時以邪併於陰也先宜吐頑痰然後開心竅治陰

邪為主

狂疾始發多怒不卧不避水火不辨親疎棄衣而走  
踰墻上屋目直罵詈夜多不卧以邪併於陽先宜鉄  
花水飲以生鉄數斤燒紅打落碎花熬水入石膏龍  
龍齒夜參防風元參秦艽煮汁兌竹瀝飲之稍愈再  
治陽邪

癇疾發則吐涎神昏卒倒口噤牙緊省後起居飲食  
皆若平人是風邪併於肝腎脉宜浮緩弦急者凶宜

以皂角半夏細辛為末吹入鼻中取嚏無嚏則不治。嚏後稍甦再以鹽水吐頑痰然後祛風調理其名有五曰鷄犬馬牛豬病狀偶類其實一也其聲如羊者心痛也其聲如犬者肝疔也其聲如牛者脾疔也如鷄者肺疔也如猪者腎疔也

脉訣曰。癩乃純陰狂乃純陽浮洪吉象沉急凶殃癩疔宜虛緩沉小急實或但弦急必死不失

瓜蒂散導吐頑痰



赤小豆 甜瓜蒂 藜蘆 鬱金

又參蘆一味或梔子豆豉或烏附尖或常山或  
燒鹽皆能吐痰前方如吐不透量為加用吐後  
熟睡不可驚覺驚則復反若吐不止用麝香少  
許調服即止或照嘔吐門用重墜法亦可

又法癩疾久不愈以辰砂末仁乳香人參調酒

飲之大醉卧之勿驚可愈

李士材曾治一道士久癩不愈令給鹹物食之不給水飲

渴急以前方調酒飲之大醉一睡三日醒時病  
如失去

安神湯癩疾吐後  
安神開竅

人參 茯神 琥珀 菖蒲 遠志 杏仁

乳香 硃砂 南星 半夏 木香

酒煎另將琥珀乳香木香硃砂研細冲服飲醉

臥之勿驚

牛黃丸狂疾服銑花後稍甦用此清內

牛黃 硃砂 丹參 丹皮 鬱金 橘紅

大黃 南星 天麻 水片 甘草

蜜丸新汲水童便調服

狂疾脉左右不齊乍大乍小是邪祟相觸宜以蘓合  
丸灌之稍甦用木香烏藥白朮檀香砂陳藿蒼朴薑  
草煎服又取東向桃柳枝各七寸煎湯灌之  
虛人以歸脾湯調理

李士材之  
治驗

羌防湯癰症取嚏後用

羌活	防風	獨活	荆芥	細辛	膏本
川連	大黃	附子	烏頭	蒼耳	

癇疾晝發宜升陽湯

蒼朮 防風 升麻 柴胡 炙草

癇疾夜發宜加減四物湯

生地 當歸 芍藥 柴胡 瓜蒌 南星

半夏 菖蒲 遠志 杏仁

癲狂癇症痰迷心包絡宜清神湯

橘紅 半夏 胆心 瓜蒌 礞石 菖蒲

茯神 遠志 川連

癩加童便狂加竹瀝癩加天麻殭蚕全蝎

癩狂癩症初起並宜艾灸法癩疾男取陽蹻女取陰  
蹻並神門鬼眼百會各穴灸數壯狂疾取間使灸七壯  
百會穴灸九壯癩疾晝發取陽蹻申脉夜發取陰蹻  
照海四穴各灸數壯小兒驚癩取頂上旋毛中灸三  
壯耳後絡脉灸數壯

神呆脉沉因驚恐以致癩疾語言不甚明了此痰火  
阻其靈竅必須深戒酒肉厚味靜養善調可愈

川連 黃岑 山梔 枳實 橘紅 胆星

菖蒲 遠志

痰病已成癇疾久不愈

竹節白附子 天竹黃 陳胆星 石菖蒲 川連 鬱金

茯神 橘紅

陽氣鬱竅阻驚恐陽升風動宿癇遂發吐痰嘔逆不言。絡脉失利。

羚羊角 石菖蒲 胆星 遠志 連翹 鉤藤

天麻 橘紅

癩厥神呆肢強

犀角 羚羊 元參 菖蒲 炒半夏 炒遠志

鬱金 橘紅

木火動心神虛驚狂仍心悸怔忡夜卧不寐診脉虛  
細非痰火有餘宜補心丹法

人參 茯神 惠仁 元參 丹參 天冬  
麥冬 生地 川連 栝子仁 菖蒲 遠志

木火鬱血滯婦人每過經來紫黑痼疾必發暮夜驚  
呼晝則神呆面青多笑火風由肝而至宜瀉肝胆熱  
兼清神

丹參 丹皮 生地 黑梔 羌蔚子 胡連  
調入琥珀末

入冬不寐痼疾遂發此陽不潛藏治在肝腎用虎潛  
丸法。

熟地 當歸 芍藥 知母 黃柏 干薑



陳皮 銷陽 牛膝 龜版 虎骨 附片

火鬱心腎不交，癩疾脉不鼓，脂宜交心腎，益神志。

生地 龜甲 黃栢 川連酒炒 菖蒲 茯神

遠志 山梔 竹葉

風陽上亢，五志陽升，神識迷惑，忽輕忽重，非有形質之邪，乃熱氣化風，上顛夜不寐，以極苦之藥，使其亢

陽潛降。

木入生地 龍胆草 丹參 木通 山梔 蘆薈

青黛 薄荷

平昔操持身心皆動，悲憂驚恐情志內傷，神志恍惚，似癩陰陽臟絡不安，宜斂攝鎮固，久進可效。宜靜養百日為安，勿勞發。

- 人參
- 珍珠
- 茯神
- 惠仁
- 艾草
- 生龍骨
- 萸肉
- 五味
- 金箔
- 密丸
- 硃砂
- 為衣



黃疸

疸名有五曰黃疸谷疸酒疸黃汗疸女勞疸不專於  
一症也黃疸者脾濕肺熱而移於膀胱則腎肝心胆  
皆受也谷疸者飲食傷脾濕熱不化流於肌肉四布  
皆黃酒疸者酒傷濕熱陽氣漸薄形體黃瘦汗疸者  
傷寒感冒失汗失下溫疫薰蒸臟腑瘀熱發黃女疸  
者全屬腎虛膀胱不運瘀濁在內穢蘊發黃有陰陽  
之分

陽黃之作。濕從火化。瘀熱在裏。胆熱液泄。胃之濁氣  
共併上。不得越下。不得泄。薰蒸遏鬱。侵於肺。則身俱  
黃。熱流膀胱。溺色變赤黃。如橘色。治在陽明。宜茵陳四苓散  
陰黃之作。濕從水化。脾陽不能化熱。胆液為濕所阻。  
漬於脾。浸淫肌肉。溢於皮膚。色如薰黃。陰主晦。治在  
脾。宜茵陳四逆。或茵陳理中。  
上盛者。一身盡熱。下鬱者。小便為難。若脈弦脇痛。少  
陽未罷。仍主以和。渴飲水漿。陽明化燥。急當瀉熱。溫

在上以辛散以風勝濕在下以苦泄以淡滲若狂蓄  
血勢所必攻汗後溺白自宜投補酒客多熱先用清  
中加之分利更顧其脾女勞有穢濁始以解泄繼之  
滑竅終當峻補腎陰  
脉訣曰黃疸濕熱脉宜洪數不妨浮大微瀆難醫  
又曰黃疸濕熱鬱蒸成偏身皆黃及目睛陽黃色亮  
身多熱陰黃色暗冷如水陽者身熱面紅口渴尿  
赤黃色鮮亮陰者身冷面色暗黃

傷寒感冒。失汗失下。濕熱入於膀胱。薰蒸於肺。口渴  
大便溏。小便赤。面黃目黃色亮。乃陽黃也。宜茵陳四  
苓散。

茵陳 茯苓 猪苓 白朮 澤瀉 車前

谷疸能食。煩倦手足汗出。目黃鼻衄。是谷留濕熱。故  
作煩倦。久則痿黃。當用猪肚丸。

白朮 苦參 牡蠣 猪肚一具。入藥煮爛。搗丸。

谷疸身冷。面目皆黃色。暗是濕傷於脾。宜四逆及理中。

茵陳四逆湯

茵陳 肉桂

附子

干薑

甘草

茵陳理中湯

茵陳

人參

白朮

炮薑

炙草

谷疸初病似瘧。乃夏暑先伏。秋涼繼受。因不慎食物。胃脘氣滯。生熱內蒸。變現黃疸。溺黃便秘。若下必犯太陰變脹。當宣濕熱為宜。

綿茵陳

茯苓

白朮

枳殼

杏仁

黃疸

桔梗  
花粉

三



酒疸發黃。自屬濕熱。脈虛。漉腹鳴不和。形瘦行動不  
耐。全是陽氣漸薄。兼之勞煩。致損脾胃。宜戊己湯。

人參 白朮 茯苓 炙甘草 陳皮 芍藥

當歸 柴胡 煨薑 南粳

黃疸濕熱。薰蒸右脇。高突身面。俱黃不食。不便。瘀熱  
久聚。恐成癰瘍。宜清熱利濕。

大豆黃卷 木防己 金銀花 生牡蠣 飛滑石 苡仁

黃疸濕熱在裏。脈沉鬱。蒸發黃中。痞惡心便結。溺赤。

三焦病也苦辛寒主之

杏仁

石膏

半夏

薑汁

山梔

黃栢  
枳實汁

黃疸一身面目盡黃不飢溺赤素積勞倦再感濕熱之氣誤以風寒發散消導濕甚所致

連翹

山梔

通草

赤小豆

花粉

香豉

煎送保和丸三錢

山查

神曲

茯苓

半夏

陳皮

萊菔子

連翹

煉蜜為丸

黃疸

黃疸脈絡瘀熱心下痛年餘屢發痛緩能食目漸目  
黃溺赤此脈絡凝瘀蘊於水谷之氣交蒸若攻之過  
急必變脹滿用河間金鈴散加減

金鈴子 延胡 枳壳 柴胡 半夏 黃芩

黑梔 谷芽

黃疸變腫脹溫熱何擬宜苦辛滲利

鷄肫皮 海金砂 厚朴 大腹皮 猪苓 通草

脾液外越夏熱泄氣為黃非濕熱之疸不欲食便溏

乃氣泄不收宜調理脾胃為法

人參 艾草 生扁豆 山藥 茯神 苡仁

女勞疸者是色慾傷腎腎虛弱發黃身冷色暗乃陰黃也先宜泄濁繼之滑竅終當滋腎宜金匱腎氣丸

熟地 山藥 山萸 丹皮 茯苓 澤瀉

肉桂 附子 車前 牛膝

女勞疸腎虛脈數發熱身熱色亮乃陽黃也宜知栝地黃湯

熟地 山藥 山萸 丹皮 茯苓 澤瀉

黃栢 知母 車前 牛膝

山藥 山萸 丹皮 茯苓 澤瀉

黃栢 知母 車前 牛膝

山藥 山萸 丹皮 茯苓 澤瀉

黃栢 知母 車前 牛膝

山藥 山萸 丹皮 茯苓 澤瀉

內經瘡瘍

瘡疽瘡瘍外科本有專條。今觀葉氏醫案有內經瘡瘍。分別經絡受傷虛瘍內發。血中浮熱內風發現。又有乳瘡肝瘡腸瘡痔漏臟腑不調等症。并并有條。足可以增補。外科之遺漏。其如乳瘡者。少陽經絡氣血皆少。由情懷失暢。氣鬱血痺。有形而痛。攻之非易。宜疎氣血。清肅少陽。內消為上。如已潰者。當依外科內托之法。虛瘍者。風熱既久未解。化成瘡瘍。當以和血。

祛風。如濕熱流注。當清熱通絡。去血浮熱。又有脾虛  
血熱。生瘡搔痒。流黃水者。當用涼血理脾。又有肝癰  
之症。臍左以上。內應肝血。結痰吐痰。氣臭內癰。已見  
宜降氣活肝血。開肝鬱。腸癰者。臍旁紫黑。少腹痛。二  
便瀆甚者。足筋縮。皮膚有鱗甲紋。腸癰具矣。乃濕熱  
瘀血結聚。六腑不通。當清濕熱消痰。而兼通腑。用法  
靈活。足可為後學之準繩也。

虛癆搔痒。流黃水。此脾虛血熱。宜理脾涼血。

當歸 生地 丹皮 白芍 人參 焦朮

茯苓 紫草 桑枝

脈不浮大。非關外風。初起右掌。二指已不屈伸。頭面  
身半以上。常有瘡疤之形。乃陽明脈絡內留濕熱。癘  
氣與食毒所致。宜解緩攻。

連翹 犀角 赤芍 酒軍 荆芥 片薑黃

能食二便通調。瘡愈有疤。自面及肢體。至於右掌。指  
屈伸皆痛。仍是脈絡留邪。以致墜道為壅。藉酒力以



引導。通行營衛可愈。

銀花 連翹 犀角 生軍 荆芥 丹皮

黃芩 川芎 當歸 澤蘭 羚羊 大豆黃卷

用無灰老酒浸服

血舍空隙。內風蠕動。外以熱湯泡洗。濕熱蒸襲肌竅。遂有裂膿流水。周身漸加麻痺。陽脉亦衰。宜清營以熄內風。疎利濕熱。以肅墜道。辛辣腥鮮勿進。尚可緩計。

製首烏 鮮生地 栝子仁 川斛 黑豆皮 虎骨

蚕沙 黄栢 草薺 熬膏老酒兑服

久熱瘡瘍。五六年環口燥裂。溺瀆莖痛。

生地 熟地烏 丹皮 丹參 芫蔚子 銀花

地丁 紫草 共熬膏服。

血熱風動。膚痒。

荆芥 防風 地膚子 赤芍 銀花 生地

木通 甘草

初因嘔吐。肝胃不和致病。故辛香剛燥愈劇。然久病

內瘍

必入血絡。熱則久瘡不愈。木火皆令燥液。易飢易飽。間有嘔逆。是胃病仍在。凡呆滯藥味。皆非對症。

胡麻 冬桑皮 生首烏 杏仁 鬱金 佩蘭葉

茯苓 苡仁 熬自然膏服

幼穉身瘦久瘡。血分有熱。精通之年。最宜安養脉象。

非有病

生首烏 胡麻 生地 地骨皮 金銀花 丹皮

生白芍 生草 蜜丸早晨服

脈來濡浮。久瘡變幻未罷。是衛陽踈豁。不耐寒暄。初受客邪不鮮。混處氣血浸淫。僅在陽分。肌腠之患。宜升舉一法。氣壯則風濕盡驅。

人參

黃芪

川芎

當歸

防風

殭蚕

蟬蛻

炙草

薑朮

疾因於濕。久而變熱。壅於經隧。現瘡疾疥癬。已釀風濕之毒。混在氣血之中。邪正雜處。搜逐難驅。四肢為甚。宜從陽明升降。

連翹 赤芍 殭蚕 白蟬皮 防風 升麻

前胡 滑石 酒軍

風熱既久未解化成瘡瘍當以和血祛風。

當歸 赤芍 川芎 夏枯草 牛蒡子

殭蚕 蟬蛻

頭巔熱癩未能泄邪此身熱有成膿之象辛涼兼理

氣血可愈。

連翹 犀角 銀花 丹皮 元參

生草 青菊葉

風熱毒閉項後腫。

竹葉 滑石 蘆根 牛蒡 馬勃 薄荷葉

黑山梔 連翹 川貝 生草

瘡毒咯血失血。都是暑入陰傷。

竹葉心 元參 生地 黑豆皮 麥冬 知母

秋痢半年未愈。瘰癧堅硬痛。瘍膿鬱久成熟。腑經病。可

冀其愈。

夏枯草 香附 茯苓 苡仁 川貝 丹皮

頸項結核。腹膨足腫。肝木犯中。痰氣凝滯。

內瘍

五

夏枯草 牡蠣 澤瀉 茯苓 半夏 厚朴

橘紅 神曲 生香附水磨汁泛丸

氣鬱痰核

夏枯草 生香附 丹皮 山梔 連翹 鬱金

赤芍 橘紅

脈左數右長。頸項結癭。時衄。是血熱痰滯。宜涼血清瘀。

生地 丹皮 犀角 夏枯草 生鉤藤 黑梔

土貝母 昆布 海帶 生薄荷

燥急善怒。氣火結癭。燥筋為痛。熱鬱化風。阻滯痺塞。則腹鳴脘脹。苟非開懷歡暢。不能向安。

土貝母

山梔

瓜蒌皮

鬱金

白芥子

海澡

昆布

夏枯草

肝氣鬱遏。宿痞乳癭。

川棟子

夏枯草

薄荷梗

丹皮

黑梔

瓜蒌皮

青橘葉 香附汁

乳房為少陽脈絡。經行之所。氣血皆少。由情懷失暢。



氣血鬱痺。有形而痛。治在絡。恐日久竟沉痼。非瘕之症。脉不浮數。無寒熱。宜內消。

柴胡 夏枯草 歸身 白芍 川貝 茯苓

川芎 甘草

乳房結核。是少陽之結。氣血皆薄。攻之非易。恐釀成癆症。急宜內消。

青蒿 香附 橘葉 青菊葉 丹皮 澤蘭  
鬱金 當歸鬚

因嗔怒失血致頸項左右筋腫痛連背部。此屬鬱傷  
氣血經脈流行失司不全恐成流注清膿延綿之患。  
治在少陽陽明。

生香附 憂枯草 鮮菊葉 薄荷梗 黑梔 鈎藤

丹皮 鬱金

脈左數實。血絡有熱。暑風濕氣外加。遂發疹塊壅腫  
搔癢。是屬暑瘍。

杏仁 連翹 滑石 寒水石 銀花 晚蚕沙

內瘍

又

黃栢 防已

初病濕熱在經。久則入絡。膿瘍未已。漸至筋熱痛。金匱云。經熱則痺。絡熱則痿。數年宿病。勿圖速攻。

犀角 連翹 元參 丹皮 生地 野赤豆皮

薑黃 桑枝 煎湯早服夜服 蒺藜丸

瘡瘍服涼藥。陽傷氣阻。腕悶不運。腹膨。最怕瘍毒內閉。急宜通陽。

厚朴 廣皮 薑皮 茯苓皮 連皮杏仁 大腹皮

桂枝 澤瀉

納食主胃。運化主脾。瘧瘍痛潰。臥床不得舒展。臟腑  
氣機呆鈍。外科守定成方。木菟歸地。不能托補氣血。  
反滯於裏。出納之權。交失且症。乃水谷溫氣下垂。而  
致結於肝胃之界。若濕熱不為盡驅。補托養賊。貽害  
非淺。宜先清熱。

金石斛 槐米 金銀花 茯苓 晚蚕沙 石膏

營傷心辣。納食無味。此瘍痛大虛。當調其中。

內瘍

人參

歸身

炒白芍

木瓜

熟朮

廣皮

茯神

炙草

膿血去多。痛尤未息。胃傷不嗜谷。口無味。左關尺細。弱無力。正虛之據。仍宜托補。

人參

熟地

玉竹

栝子仁

歸身

丹參

棗仁

遠志

湯潰膿血去多。元真大耗。脈無力。不嗜食。惡心。中州不振。寐則驚惕。神不守也。宜養營法。

人參 熟朮 廣皮 茯神 炙甘草 歸身

白芍 五味 枣仁

瘍損能食身熱宜六味地黃湯加青蒿梗因瘍漏過進寒涼患腰痛牽引脊脊晨起周身不自自如乃脈絡之中氣血流行不暢久病諒非攻逐宜兩和方法。

羚羊角 當歸 黃芪 白蒺藜 桂枝 桑枝

瘍潰不合成清液滲去必腸絡空隙內風暗動攻胃

內瘍

九

則嘔逆吞酸。腹痛瀉泄不食。津液不升。舌焦黑不渴。內外兼病。難治之症。

人參 炒烏梅 炒川椒 茯苓 生薑 廣皮

白芍 歸身

內癰痛久。屈伸不得自如。經絡之脈。呆鈍氣痺血瘀。大便下血。是錮結在裏。臍左之上。內應乎肝。吐痰氣臭。肝癰已見矣。

炒桃仁 新絳 紫苑 冬瓜子 降香末 金銀花

野鬱金汁

臍旁紫黑。先寒後熱。少腹痛如刀。刮二便皆瀉。足筋<sup>縮</sup>皮膚有鱗甲。是腸癰之患。宜內消。

老薑白 兩頭尖 小茴香 當歸尾 尖山甲 皂角針

舌焦黃。小腹堅滿。小便不利。兩足皆痿。溫熱結聚。六腑不通。有腸癰之患。

川棟子 小茴 丹皮 山梔 通草 青葱  
壯熱旬日。周身筋脉牽掣。少腹堅硬。小便淋瀝。忽冷



忽熱。欲釀膿血。乃腸癰為病。倣孫真人丹皮大黃湯。

丹皮 大黃 桃仁 冬瓜仁 芒硝

痔瘡下血。濕熱居多。以淡滲通腑。

生於朮 生菟絲粉 生象牙末 白蠟為丸

*(Faint bleed-through text from the reverse side of the page, including characters like 生於朮, 生菟絲粉, 生象牙末, 白蠟, 丹皮, 大黃, 桃仁, 冬瓜仁, 芒硝, 痔瘡, 濕熱, 通腑, 腸癰, 膿血, 孫真人, 湯, 忽熱, 欲釀, 為病, 倣, 丹皮, 大黃, 湯.)*

疝者。厥陰任脉受病。外感風濕寒邪凝結於內。男子  
疝。牽引睪丸腹痛。女子內結癥瘕帶下。當分別寒  
熱。氣血濕邪等症。若有陰莖生瘡。為下疳。陰囊腫爛  
為囊癰。女子陰瘡。俱見外科癥瘕帶下。見婦科。各有專  
條。至於疝症。陰囊睪子腫大。牽引少腹作痛。女子陰  
旁結硬。氣衝腹痛。皆為疝也。寒者囊冷結硬。睪子硬  
大。為寒疝。熱者濕熱流於肝經。囊不收。紅腫常痛。為

熱疝。濕者腫若水晶。不紅痒痛相兼。為濕疝。氣者陰囊。罩子腫大。引氣上衝。時發時止。多在右邊。為衝疝。血者痛多腫少。多在左邊。肝脈滑為癢疝。肝邪者痛則現。止則不<sup>見</sup>。是肝邪為患。名狐疝。腎者痛則引陰莖。或精隨洩下。為瘰疝。又有小兒陰囊腫大而痛。因孕婦啼泣過傷。氣結不散。蘊於胞中。或寒氣內結。小兒囊硬腫墜大而為胎疝。冷而痛者。照寒疝治。不冷不痛。照氣疝治。此外又有卒癩風癢。厥心肝脾腎。

等名目皆屬同類。而變其名。總屬肝任為病。而貫於各經之所由也。

經云。任脈為病。男子內結。七疝。女子帶下。瘕聚。又督脈生病。從少腹上衝心而痛。為腫疝。脾傳之腎。為瘕疝。三陽為病。發寒熱。其傳為癰疝。邪客於肝絡。令人卒疝暴痛。此素問言諸經之疝也。又經脈篇云。足陽明之筋病。瘡疝。腹筋急。脾病。陰器紐痛。下引臍。而脇痛。肝病。陰器不用。此靈樞言諸經之疝也。仲景先生。

獨以寒疝為名。其所出三方。亦以溫散祛寒。調營補  
虛為主。張子和又以辛香流氣。謂肝得踈泄。而病愈  
矣。其金鈴虎潛諸法。可謂發前人之未備。故疝病之  
本。不離乎肝。又不越乎寒。以肝脈絡於陰器。為至陰  
之臟。膀胱為寒水之經。故仲景以烏頭二方。專治寒  
疝。為急是治標之義。又以當歸羊肉一方。專補內虛  
暖下元。而不傷陰。是治本也。子和以金鈴散泄肝散  
逆為主。以金鈴導膀胱小腸之熱。元胡和一身上下

諸痛其所取虎潛一法以柔緩導引虎骨熄肝風壯  
筋骨羊肉鳧版補髓填精佐以地黄補腎當歸補肝  
使以陳皮利氣芍藥通肝是治肝而顧及於腎是治  
疝之良法也。今觀葉天士先治<sup>生</sup>疝之法又更有進焉  
者。其肯有暴疝多寒久疝多熱為剛頷其餘隨症施  
治。如氣墜下結者。以鹿茸鹿角升陽為主。其脹結有  
形痛宗丹溪通陽泄濁為治。其溫熱鬱結用柔苦制  
熱其寒濕下墜通太陽膀胱祛寒去濕如下焦陰陽

兩傷。用有情溫通以培生氣。兼通補熄風為主。可謂  
曲盡病情。諸法備矣。

脈訣曰。疝屬肝病。脈宜弦急。牢急者生。弱急者死。弦  
長易治。

疝寒戰後熱。屬肝病。囊大浮腫。澀溺甚少。至晚愈加。  
是陽微獨聚。宜從氣分開泄。

- 桂枝
- 吳萸
- 川棟子
- 茯苓
- 生牡蠣
- 青皮

濕寒濕已久。入太陽膀胱之氣。不利。陰囊莖腫。

茯苓 猪苓 澤瀉 白朮 肉桂

獨活 漢防己

筋肝風筋疝怒勞必發宜通補熄風

茯苓 補骨脂 歸鬚 小茴 韭子 茯苓

胡桃 青鹽 羊肉腎 蒸熟搗和丸

氣奇脉陽虛動氣疝痛遠臍汨汨有聲男子精氣不

充是下虛損傷宜柔藥温補奇經八脉勿用剛燥

茯苓 歸身 炒杞子 小茴 炒沙苑 茯苓

紅枣肉丸

疝



氣疝墜於右。筋縮連小腹痛。此寒氣收引。宜溫通絡肝。

川棟子 穿山甲 小茴 橘核 乳香 炮黑川烏

韭白汁 泛丸

疝疝下少腹。形象橫梗。痛遶腰脇。以及陰囊。乃肝氣

不宣。宜左金通脈。

川連 吳萸 穿山甲 青木香 川棟子 元胡

青橘葉湯為丸

疝脈右弦左瀋。當臍痛。少腹嘔吐黃濁。大便不通。此

屬肝氣癥疝。辛香流氣。所謂通則不痛耳。

炒桃仁

炒橘核

川棟子

炒元胡

韭白汁

兩頭尖

小茴 青皮

鬱怒肝疝腫脹。小腹下墜。青筋外突。脹甚延及腎

囊。乃肝疝。宜用子和。金鈴法泄肝。

金鈴子

元胡

歸鬚

橘核

小茴

青皮

青皮

黑梔

青葱管

肝犯胃疝

少腹厥氣上衝。吐酸食不化。下有宿疝。以肝濁

疝

五

胃宜助脾陽

炮附子 干薑 吳萸 川棟子 豬肝汁

肝疝 犯胃 吐虺嘔涎湯飲不入呃逆不止宜用朱南陽桑

肝泄濁之法

韭白汁 西頭尖 川棟子 延胡 歸鬚 桂心

肝疝 犯胃 疝發肢冷潮熱食減是濁犯胃宜泄肝安胃。

人參 附子 茯苓 川棟子 胡蘆巴 炒黑川椒

氣 疝 聚於右有聲自消行走勞動必有形直墜陰

囊是腎氣虛寒

歸尾 鹿角 桂枝 小茴 川芎 茯苓

炙草 生薑 羊肉膠為丸

痲疝 痛自腎囊漸聚少腹之左。肝疝頸然暴疝多寒

久疝多熱宜通泄法

川連 小茴 黑梔 橘核 川棟子 青木香

郁李仁 冬葵子

瘰癧母已久肝絡受傷。延成疝疝宜用子和之法

疝瘰

疝

有情溫通以培生氣

鹿角 穿山甲 全蝎 大茴香 當歸 炮黑川烏

水安息香 炒黑大豆黃卷 赤淋酒和丸

腎 肝風腎虛氣血失調少腹衝痛延及腎囊牽引宜

用子和虎潛丸法

虎骨 龜版 熟地 當歸 陳皮 芍藥

羊肉膠為丸

胎 疝 小兒陰囊腫大硬墜牽引少腹作痛是胎氣寒結為疝

橘核仁 川棟子 昆布 海帶 桃仁 元胡  
青皮 烏藥 肉桂 小茴 吳萸黃連同炒用  
酒糊丸。鹽湯下。若腫墜不硬。不冷氣。沖少腹者。  
純是胎氣凝結為疝。只用川棟元胡青皮烏藥。  
小茴橘核為丸。

卷之五

卷之五

卷之五

卷之五

卷之五

卷之五

卷之五

卷之五

五

淋濁

淋有五淋之名。濁有精濁便濁之別。當察氣分與血分。精道與水道。確從何來。大凡秘結宜通。滑脫當補。若因心陽亢。勒精強忍。而瘀濁下注者。利其火。腑濕熱甚而不宣者。徹其泉源。氣陷用升陽之法。血瘀進化結之方。此數端人所易曉也。惟厥陰內患。其症最急。少腹遶前陰如刺。小水點滴難通。環陰之脈絡皆痺。氣化機閉已息。葉案引朱南陽方法。兼參李瀕湖



意。用滑利通陽。辛醜泄急。佐以循經入絡之品。發前  
人之未備。景岳謂理其無形。以固有形。但知治肝治  
腎。而不知有治八脈之妙。葉天士先生引孫真人九  
法。升陽固精絡。使督任有權。漏卮自己。若非深明醫  
理。而焉能如此。又有尿血一症。虛者居多。若有火亦  
能作痛。當於血淋同治。倘清之不愈。則端究乎虛。上  
則主於心脾。下則主乎肝腎。久則亦從於八脈。與前  
症相同。要在認定陰陽。勿致清混可也。

脉訣曰小便淋閉鼻色必黃實大可療瀉小知止鼻色  
黃者温熱移於膀胱也

又歌曰諸淋皆緣寒熱濕下移膀胱澼無時水道瀉

滯常作痛寒熱濕石血疝明此專指小便閉塞溺有濁汁

清熱如聖散淋如砂石結痛尿難卒出

馬蘭花 茯苓 茅根 冬葵子 葶藶 枳實

連翹 石葦 瞿麥 滑石 秋石

歸芍湯淋如血汁與溺俱下

淋濁

歸尾 赤芍 生地 牛膝 側柏葉 藕節

車前 茯苓 澤瀉 草梢

硝枳湯 氣淋下腹氣脹堅滿溺有餘澀

枳壳 芒硝 大黃 草梢 石葦 冬葵子

木通 茯苓 瞿麥 滑石 秋石

鹿霜湯 淋如脂膏精溺俱出

鹿角霜 兔絲子 桑螵蛸 茯苓 澤瀉

木通 草梢

茯苓地黃湯 冷客下焦先寒戰而便淋

茯苓 杞子 熟地 山藥 山萸 石斛

牛膝 肉桂 附片 茯苓 澤瀉 草梢

八正散 溫熱痰結淋濁

木通 車前 大黃 梔子 扁蓄 瞿麥

滑石 草梢

草薺分清飲 便淋清濁不分

草薺 石菖蒲 益智仁 烏藥 赤茯苓

草梢 秋石

小薊飲 血淋

淋濁

小薊 藕節 生地 蒲黃 木通 黑梔

歸尾 草梢 滑石 竹葉

濕熱下注溺痛淋濁當分利

草薺 淡竹葉 木通 赤苓 瞿麥 扁蓄

茵陳 海金砂

酒客腹中氣墜便積膏淋濁膩溫熱居多下虛不掇  
宜苦辛寒分消法。

黃栢 茯苓 草薺 海金砂 川棟子 青皮

防己 蚕沙

淋濁溺短瀝痛。先通陽氣。

草薢 烏藥 益智仁 赤苓 遠志 琥珀末

心熱下遺於小腸。則為淋濁。以苦藥入心而通小腸。

人參 黃栢 川連 生地 茯苓 茯神

丹參 桔梗 石菖蒲

婦人氣閉成淋。治在肺經。

紫苑 枇杷葉 杏仁 降香末 瓜蒌皮 鬱金

黑梔 苡仁

熱入膀胱小溲血淋莖中痛

生地 黃芩 木通 甘草稍 知母 黃栢

赤苓 琥珀末

中年已後陰虧有熱飲酒濕熱下墜精濁淋血皆陰

固攝宗丹溪補陰丸法

熟地 龜膠 秋石 天冬 茯苓 黃栢

知母 猪脊筋搗丸

精走濁淋脊骨生熱屬陰胃弱勿用膩滯

龜版 覆盆子 五味 歸身 鹿角膠 秋石

芡實 金櫻子膏丸

啟萌強忍敗精凝墜宜通瘀宣竅

生桃仁 杜牛膝 人中白 生黃柏 麝香二分調入

房勞強忍精血之傷敗濁阻於隧道每溺必痛徒進  
清熱無用以溺與精同門異路棄案以射香入絡通  
血杜牛膝通血冲敗濁已效仍治淋



韭白汁。九製大黃一兩。生白牽牛一兩。歸鬚五錢。桂枝三錢。炒桃仁二兩。小茴香三錢。韭白汁泛丸。

丹溪謂五淋多因濕熱阻竅。久病尿管大痛。不能溺出。是房勞強忍。敗精離位。變成污濁。阻竅宜泄濁可愈。葉天士倣李瀕湖法。參入朱南陽法。治甚妙。

兩頭尖 川棟子 韭白 小茴 桂枝 歸尾

沖入杜牛膝根汁

敗精宿於精闕。痰久精血皆枯。勢必成勞。致成不救。

宜通利後仍當以任督衝帶調理如婦人之崩帶治  
奇經八脉為要

鹿角 龜甲

當歸

杞子

茯苓

小茴  
鮑魚

操持神耗過動天君水火不交精變為濁宣利清解  
無功葉天士微孫真人九法端治奇經八脉隨效

鹿茸

人參

生兔絲籽

補骨脂

韭子

舶茴香

覆盆子

茯苓

核桃肉

栢子霜

蒸餅為丸

脉緩瀆溺後有血溺器膠濁四肢寒凜納食如常病在



便閉

按便閉症。當與腸痺淋濁門兼參。其大便不通。有血液枯燥者。則用養血潤燥。若血燥風生。則用辛甘熄風。或酸苦入陰。故三才五衍通幽。虎潛等法。在所必用也。若血液燥。則氣亦滯。致氣血結痺。又當於養陰潤燥中。加行氣活血之品。若火腑秘結。宜苦滑重鎮者。用更衣丸。以通之。若老人陽虛風閉。用半硫丸。溫潤以通之。腑陽不行。則用玉壺丹。辛以開鬱。或用三

焦通法。若溫熱傷氣阻遏經腑則理肺氣以開降之。此治大便之閉也。小便閉者為癃閉另立專門當兼參而用至於二便俱閉當先大便小便自利此其大畧也。若胃腑邪熱化燥便堅太陽熱邪傳入膀胱之腑便秘又當於傷寒條下法中承氣五苓等方酌而用之斯無遺義矣。

更衣丸 火腑秘結

硃砂五錢 蘆薈七錢 好酒和丸 每服一錢二分

玉壺丹。腑陽不行。

印扁鵲玉壺丹用石硫黃九製成丹

製法葉案集方玉  
晉三得異授製法

半硫丸。老人陽衰。

半夏硫黃二味為丸

硫黃用浮萍水煮至點火不燃

耒復丹。陽室陰凝清濁混淆痞脹。

玄精石煨 石硫黃製如法 硝石 五靈脂 青皮 陳皮

鬱熱燥結大便閉納食中痞宣以宣通

川連 蘆薈 萊菔子 炒山查 廣皮 川棟子

便閉

山梔 青皮 厚朴 薑製

熱鬱氣阻三焦宜通利法。

杏仁 鬱金 厚朴 廣皮白 蘆薈

川棟子 人中黃

血液枯燥減食過半糞堅彈丸脾胃病從勞傷治。

當歸 麻仁 栝子仁 松子仁 肉蓯蓉

液耗胃弱火升便難宜用三才加冬茯斛

生地 天冬 人參 麥冬 茯神 川斛

陽明脈大環跳尻骨筋掣而痛大便燥艱常秘此老

年血枯內風燥甚宜微鹹微苦以入陰法

生地 阿膠 天冬 人中白 川斛 寒水石

栝子霜 火麻仁

陽升風秘

火麻仁 栝子仁 當歸 紅花 桃仁

郁李仁 川牛膝

飽飢勞碌中州受傷腕痛脇脹噎泄氣寬靜則安大便

栝子仁 歸鬚 菠菜汁 韭菜汁 五靈脂 桃仁 丹皮

尚年不焦陰虛六腑不利多痛便難乃幽門之病宜

便閉

三



五仁潤燥。以代通幽。是王道之治。

火麻仁 郁李仁 栝子仁 桃仁 松仁 當歸

白芍 牛膝 人中黃

脈小弱。形瘦腸風已久。食少便難。噎噫泄氣。自寬爽。釋乃腑病通。即為補。倣東垣通幽意。

當歸 桃仁 紅花 郁李仁 冬葵子 栝子霜

松仁 蘆薈

湯飲下咽。噎噫不已。不飢不食。大便干堅。若彈丸。脈

左弦實血鬱血結宜辛潤法

桃仁 冬葵子 皂角核 郁李仁 大黃

降香 鬱金

血液枯燥便難溺瀉是下焦幽門氣鈍血燥宜東垣

通幽意。

鹹菴蓉 生地 當歸 郁李仁 栝子仁 牛膝

氣血結痺脉實病久瘀熱在血胸不爽小腹墜能食  
不渴二便瀉少此屬血病用通幽法

桃仁 紅花 郁李仁 製大黃 歸鬚 小茴

便閉

四

桂枝木 川棟子

婦人大小便不爽。年老久病宜通絡。兼治奇經。而通下焦可愈。

當歸

川芎

生大黃

桂枝

川棟子

青皮

蓬朮

三稜

五靈脂

炒黑查

炒香附

共為末。葱白搗汁泛丸。

癃閉

癃閉者小便點滴不通暴則為閉久則為癃病最為  
危急即用葱頭炒熟或炒鹽少腹熨之或用麝香少  
許入臍內以薑片蓋之灸數壯暴閉可通暫救危急  
內經曰肝之脈過陰器所生病者閉癃又曰督脈主  
宗筋又曰膀胱不利為癃不約為遺溺是膀胱為州  
都之官津液藏焉氣化則能出矣氣化者太陰肺也  
若使肺燥不能生水則氣化不及法當清燥若脾濕

不運而精不上升。故肺不下輸。法當理脾燥濕。若水  
潤熱結。膀胱不利。法當濕腎滌熱。更宜以淡滲之品。  
分利之。若厥陰熱閉為癰。少腹脹滿。用穢濁氣味之  
品。直泄厥陰之閉。此皆發前人未發之秘訣。學者尤  
當究心焉。仍當與脾腸便閉淋濁各門兼參詳察。而  
治之可也。

沙參

麥冬

茯苓

冬桑葉

梨皮

蘆根

紫苑 枇杷葉

脾温不運而精不上。肺不下輸而為癰閉。宜理脾燥

海人參 焦朮 茯苓 炙草 半夏 橘皮

枳壳 厚朴

左脉弦數。溺短而痛。此屬膀胱。痰熱為癰。宜清。

生地 木通 黃芩 赤苓 丹皮 草梢 竹葉

逆壅三焦。舌白身熱。溺不利為癰閉。宜清利。

杏仁 桔梗 滑石 通草 連翹 蘆根 秋石

癰閉

二

秋暑穢濁寒熱如瘧。上咳痰。下洞泄。三焦皆熱。氣不化。則小便不通。為閉。宜芳香辟穢。分利滲熱。

藿香梗

厚朴

檀香

磨

汁廣皮

木瓜

猪苓

茯苓

澤瀉

兼服六一散

分消熱。熱畧減。小便畧通。其陰莖囊腫。是濕熱下墜入腑。與方書莖腫疑疝有間。宜清河間法。

飛石滑

石膏

寒水石

杏仁

厚朴

猪苓

澤瀉

絲瓜葉

暑熱不得解散。壅腫癃閉。宜通六腑。

防己 茯苓皮 猪苓 通草 海金砂 秋石

濕熱肺氣不降。竅閉。二便不通。但理氣邪可宣通。

葦莖 苡仁 桃仁 滑石 通草 西瓜翠衣 秋石

暑濕傷肺。氣火司降。致有癃閉。宜生津清養胃陰。以

潤肺。

麥冬 知母 甜杏仁 白沙參 胡麻

脈左弦如刃。六旬老人。真陰衰。五液涸。小溲血。水點

癃閉



滴不爽。少腹右脇聚瘕。此屬瘕閉。非若少壯瀉火通利。

栝子霜

小茴

鹿角霜

茯苓

當歸

菴落  
五谷虫

氣血結痺。脈實病久。瘕熱在血。胸不爽。小腹墜。能食不渴。二便瀆少。此屬血病。用通幽法。

桃仁

紅花

郁李仁

製大黃

歸鬚

小茴

川棟子

桂枝木

遠行勞動。肝腎氣乏。不司約束。下焦陰傷。二便皆瀆。背寒煩渴。少腹滿脹。宜通厥陰。

老韭根 穿山甲 兩頭尖 川棟子 歸鬚 小茴

橘紅 金汁

驅濁泄肝僅止泄氣。二便未通葉案倣東垣治王善

夫瘡閉意滋腎丸三錢三服而效

黃栢 知母 肉桂

膀胱不約遺溺宜五苓散加用

茯苓 猪苓 澤瀉 白木 肉桂

車前木通

小兒遺溺是膀胱不約為瘡症熱結。

瘡閉



腸痺

腸痺本與便閉同類。今另立一門者。欲人知腑病治  
臟。下病治上之法也。蓋腸痺較之燥屎堅結。欲便不  
通者。稍緩故。葉案但聞降上焦肺氣。上竅開泄。下竅  
自通矣。若燥屎堅閉。則有三承氣潤腸丸通幽及溫  
脾之類。然便閉之症。傷寒門中。急下之條無幾。餘皆  
感六淫之邪。病後而成者。居多。斯時胃氣未復。元氣  
已虧。若遽下之。於理難進。莫若外治之法。為穩。用蜜

煎導法。設不通爽。虛者間日再導。亦古人之設法。皆可。兼參而用之可也。肺氣不開降。食進腕中難下。大便氣塞不爽。腸中收痛。此屬腸痺。

杏仁 枇杷葉 鬱金 瓜蒌皮 山梔 香豉  
食下腹腸旬日一便。腸胃皆腑。以通為用。丹溪每治腸痺。必開肺氣。謂表裏相應之法。

杏仁 紫苑 冬葵子 桑葉 土瓜蒌皮

身重不能轉移。尻骨板著。必得撫摩。少安。大便不通。小溲短少。不飢。少飲。是濕邪蒸鬱化熱。阻於氣分。經腑氣隨皆阻。病名濕痺。

木防己 杏仁 桂枝 石膏 桑葉 丹皮

舌白。不渴。不飢。大便經旬不解。皮膚麻痺。腹中鳴動。皆濕化熱。阻遏氣分。諸經脈絡皆閉。倣丹溪法。肺氣通則濕熱自走。

杏仁 瓜蒌皮 鬱金 枳壳 山梔

香豉 紫苑

腸痺

二

通。濕結在氣。二陽之痺。丹溪每治在肺。肺氣化。則便自

杏仁 紫苑 枇杷葉 去薑皮 鬱金 山梔皮

枳壳汁 桔梗汁

舌赤咽干。陽明津液衰。但痰多不肌不食。小便不熱。大便秘。倣古法九竅不利。為胃不和論治。

炒半夏 橘紅 竹茹 枳實 花粉

薑汁 茯苓

肺痺

肺為呼吸之橐籥。位居最高。受臟腑上朝之清氣。稟清肅之體。性主乎降。又為嬌臟。不耐邪侵。凡六淫之氣。一有所着。即能致病。其性惡寒。惡熱。惡燥。惡濕。最惡風邪。着則失其清肅降令。遂痺塞不通。爽矣。葉案立法。因於風者。則用薄荷。桑葉。牛蒡之屬。魚寒則用麻黃。杏仁之類。若溫熱之邪。壅遏而痺者。則有羚羊。射干。連翹。山梔。兜鈴。竹葉。沙參。象貝。因濕則用通草。



滑石。桑皮。苡仁。威喜丸。因燥則梨皮。蘆根。枇杷。桑葉。紫  
苑。開氣則薑皮。香豉。蘓子。桔梗。薏仁。其葦莖湯。葶藶  
大棗湯。一切藥品。總皆乎輕浮。不用重濁氣味。是所  
謂微辛以開之。微苦以降之。適有合乎輕清嬌臟之  
治也。肺主百脉。為病最多。就其配合之臟腑。而言肺  
與大腸為表裏。又與膀胱通氣化。故二便之通閉。實  
有關係焉。其他如肺痿。肺癰。喘哮。咳嗽。失音。均當兼  
參而用之。

上焦氣分塵熱肺氣痺阻面浮胸痞寒熱宜葦莖湯。

葦莖 桃仁 苡仁 瓜瓣

肺不開降肺痺臥則喘急急痛映兩脇舌白二便少宜

葦莖湯見前

清邪在上必用輕清氣藥如苦寒治中下上結治下。

兜鈴 牛蒡子 桔梗 生草 杏仁 射干 麻黃

經熱清消欬痰痺痛。

桂枝 桑枝 木防己 生石膏 杏仁 苡仁

肺痺

花粉

渴飲欬甚。大便不爽。餘熱壅於氣分。

紫苑

通草

石膏

花粉

木防己

苡仁  
杏仁

偏冷偏熱。肺氣不和。則上焦不肅。用微苦辛以宣通。

薄荷梗

桑葉

象貝

杏仁

沙參

黑山柅

溫邪形寒。腕痺。肺氣不通。治以苦辛。

杏仁

瓜蒌皮

鬱金

山柅

蘓梗

香豉

婦人右肢麻。脇痛。咳嗽不得卧。二便不利。腕中痞脹。

是為肺痺。

紫苑

瓜蒌皮

杏仁

山梔

鬱金

枳壳

桔梗

通草

風溫不解，邪結在肺，鼻竅干焦，喘急，腹滿，聲音不出。此屬上痺，險篤之病，急宜開其塞閉。

葶藶

大棗

葦莖

桃仁

苡仁

瓜瓣

脈小澹，失血嘔逆之後，腕中痞悶，納谷膜脹，小便短赤，大便不通，此怒勞氣分逆亂，當從肺痺主治。

肺痺

三

赤天 鮮枇杷葉 黑梔皮 杏仁 紫降香 土瓜萋皮 樨鬱金

蘓子 魚鈎藤

大車 本草 蘇子 魚鈎藤

蘇子 魚鈎藤 蘇子 魚鈎藤

蘇子 魚鈎藤 蘇子 魚鈎藤

蘇子 魚鈎藤 蘇子 魚鈎藤

蘇子 魚鈎藤 蘇子 魚鈎藤

蘇子 魚鈎藤 蘇子 魚鈎藤

胸痺

胸痺與胸痞不同。胸痞有暴寒鬱結於胸者，有火鬱於中者，有寒熱互鬱者，有氣實填胸而痞者，有氣衰而成虛痞者，亦有肺胃津液枯澇，因燥而痞者，亦氣上焦濕濁瀰漫而痞者。若夫胸痺，則但因胸中陽虛不運，久而成痺。內經未曾詳言。惟金匱立方，俱用辛滑溫通。所云寸口脈沉而遲，陽微陰弦，是知但有寒症，而無熱症。葉宗之加減而治，亦惟流運上焦清。

陽為主。莫與胸痞結胸噎膈痰食等症淆混。斯得之矣。  
胸脘清陽不運。胃痛徹背。午後為甚。不嗜飲食。  
是陽傷陰濁。宜溫通陽氣。

薤白 半夏 茯苓 乾薑 桂枝

肺衛室痺。胸膈痺痛。咳嗆痰粘。苦辛開鬱為主。常戒  
腥羶可愈。

衣薤皮 炒桃仁 冬衣子 苦桔梗 紫苑 川貝母

脾胃陽虛。胸痺發。必嘔吐甜水黃濁。鬱折生陽。甘味

色黃是中焦脾胃主病。微內經辛以勝甘。法治

半夏 干薑 厚朴 草薹 良薑 杏仁

茯苓

痛久入血絡。胸痛引痺。

炒桃仁 延胡 川棟子 木防己 桂枝 青葱管

脈弦胸腕痛。欲嘔便結。此清陽失曠。氣機不降。久延致成噎格。

薤白 杏仁 半夏 薑汁 厚朴 枳實

胸痺



胸痺因怒而致痰氣凝結。

炙甘草 土瓜萋 半夏 薤白 桂枝 茯苓 生薑

脈沉如伏痞脹格拒腕膈上部氣壅自左覺熱凡木

鬱達之火鬱發之患在上宜吐之。

巴豆霜一分 川貝母三分 桔梗三分 為細末熱湯服吐後服

凉水即止

*(Faint bleed-through text from the reverse side of the page)*

胸痞

痞症有暴寒鬱結於胸者有火鬱於中者有寒熱互鬱者有氣實填胸而痞者有氣衰而成虛痞者亦有氣衰而成虛痞者亦有肺胃津液枯瀆因燥而痞者亦上焦濕濁而痞者古法仲景用苓桂薑甘以苦為泄辛甘為散其於邪傷津液用苦辛開散而必資酸味以助之於上焦不舒者既有枳桔杏萋開降而又用梔豉除熱化腐踈暢清陽之氣葉案又從古人有

形無形。化出妙用。如保和化食。白金驅痰。附薑煖中。  
參茯養胃。生脉歟液。臨症視其陰陽虛實。靈機應變。  
可謂良矣。

熱氣痞結。胃汁消燥。舌乾便難。宜苦辛開氣。酸苦泄  
熱。是治法矣。

川連

生薑

人參

枳實

橘紅

烏梅  
生白芍

氣閉久則痞結。不飢不食。不便宜開氣理結。

川貝母

白蔻仁

鬱金

杏仁

金銀花

萊豆壳

痰熱內閉。痞悶。陳腐粘凝。膠聚。脘腹熱。氣下注。隱然微痛。

黑梔 香豉 鬱金 杏仁 桃仁 降香 薑皮

暮臥另進白金丸五錢 白礬 鬱金

氣窒熱鬱仍治上可以通痞

杏仁 鬱金 香附 瓜蒌皮 黑梔 蘊梗

因驚而得邪。遂入肝。故厥後熱。神識昏狂。面青舌白。漉吐渴飲。胸次按之。而此屬痞結。乃在裏之症。宗仲

胸痞

景以瀉心湯為法

川連

半夏

干薑

黃芩

人參

枳實  
白芍

暑濕內伏。夾食面垢油亮目黃頭脹胸腕痞悶脈形

濡濇宜伏邪例治

滑石

黃芩

厚朴

杏仁

蔻仁

醋炒半夏  
竹葉

胸痞自便狀如結胸食滯在胃濕濁阻遏宜清解三焦

淡黃芩

川連

淡薑

厚朴

醋炒半夏

鬱金

白蔻仁

滑石

送保和丸三錢

山楂神曲

茯苓

半夏

陳皮

萊菔子

連翹

暑邪阻氣胸痞不飢熱不止舌白而渴此暑邪未盡

仍清氣分

竹茹

黃芩

知母

橘紅

鹽炒

滑石

桔梗

枳壳

鬱金

舌白腕痛嘔惡腹鳴此濕阻氣分胃痞成痛治在氣分

炒半夏

良薑

藿香

橘紅

烏藥

香附

胸痞

三